

COMPAÑERA, DAME TIRA

Himno para la manifestación del 8M 2023, celebrada en Mieres (Asturias)

Autoría: Santos Villa / Brigada Feminista

Dende les cuenques mineres,
la capital y occidente,
de la costa y del oriente,
equí tamos les muyeres.

Somos nietes de les bruxes,
y venimos dando tira
a la que se ve oprimía
y a aquellos que nun s'escuchen.

Dar tira ye amar, compartir y apoyar,
ye facer comuña, ye sororidá.
Que naide se pare o se quede p'atrás,
toes xuntes cantamos pola llibertá.

Soles nunca nos sentimos
porque xuntes caminamos
y al patriarcáu demostramos
que na llucha equí seguimos.

¡Compañera, dame tira!
Ye dir llogrando derechos
pa les que viven nel centru
y pa les d'una colomina.

Dar tira ye amar, compartir y apoyar,
ye facer comuña, ye sororidá.
Que naide se pare o se quede p'atrás,
toes xuntes cantamos pola llibertá.

Ensin dueñu y ensin amu,
les muyeres asturianas,
con remangu y toles ganes,
fadremos verdá esti suañu.

Dar tira ye ser familia,
comunidá, hermanamientu,
abrazu, acompañamientu,
¡compañera, dame tira!

Dar tira ye amar, compartir y apoyar,
ye facer comuña, ye sororidá.
Que naide se pare o se quede p'atrás,
toes xuntes cantamos pola llibertá.